

Кўшиқ ва мусика куръон ва суннатда

Бисмиллаҳир Роҳманир Роҳим

Аллоҳга ҳамдлар, пайгамбаримизга, унинг оиласи ва уларга яхшилик билан эргашган кишиларга салавот ва саломлар бўлсин.

Шайтон бизнинг яшаётган давримизда Аллоҳнинг бандаларини адаштириш учун танлаган катта восита – кўшиқ ва мусикадир. Мусика ва кўшиқ Аллоҳнинг каломини эшитиш ва унинг калб ва тилларга бўлган таъсирини тўсувчи, калбларни иймондан «тозалаб», Шайтон йўлларини очиб, Аллоҳнинг йўлидан махрум қилувчи сабаблардан биридир. Мусика ва кўшиқ – намознинг зиддидир. Чунки, намоз фахш ва гуноҳларни тақикласа, кўшиқ ва мусика фахш ва гуноҳ нарсаларга амр этади. Бундай ахволга тушган одамнинг Аллоҳнинг йўлига хидоятланиши амри маҳолдир.

Мусика ва кўшиқнинг инсон ақлига ҳукмрон бўлиш табиати бўлгани учун ҳам, Шайтон ва унинг яхудий ва насроний лашкарлари ҳамда уларга эргашган кимсалар фурсатни бой бермай бутунжаҳон оммавий ахборот воситаларига ҳукмрон бўлдилар. Улар оммавий ахборот воситаларини сон-саноксиз кўшиқчи аёл ва эркеклар, бастакорлар, Аллоҳ бирон бир хужжат тушурмаган кўшиқ шоирлари билан тўлдирдилар ва уларни молу дунё ва маст қилувчи ичимликлар ва турли «мафтункор» нарсалар билан таъминладилар. Халқларни эса ўзларининг исломга зид бўлган мақсадлари томон йўлладилар. Ахир кизларнинг инсон «бўрилар» кучогига отган кўшиқ эмасми?! Исломиё бирдамликка қарши қурашга чақириб худосизлик фикри, ўлкачилик ва миллатчилик гоёларининг ёйилишига сабаб бўлган кўшиқлар озми?!..

Мусулмон дўстлар, шунинг учун ҳам, биз сизлар учун Аллоҳнинг китоби, суннат ва уламоларнинг сўзларига биноан мусика ва кўшиқнинг ҳукмини баён қилмоқчимиз.

Аллоҳ таъолодан йўлимизни тўғри қилишини, ўз йўлида юришда бизга илҳом беришини, шу рисола билан берк

калблар ва огир кулоқларни очишини сўраймиз. У - тўғри йўлга хидоятловчи ва бу ишга кодирдир.

Таърифлар

«Кўшиқ» - шеър ва наср билан овозни кўтариш ва уни севиш билан кувониш (шодланиш). У баъзида мусика хамрохлигида бўлади. Уламолар истилоҳида кўшиқнинг бир неча исмлари бор. Улар: ўйин-кулгу, ботил, ёлгон, карсақ, хуштак, зинонинг турткиси, Шайтоннинг овози, Шайтоннинг оханги, мунофиқлик манбаси, ахмокона ва фожир товуш.

«Мусика» (музика) – юнонча сўз бўлиб, уд, камон, дўмбира, дутор ва шу каби чолгу асбоблари воситасида чиқадиган охангдир.

Кўшиқнинг хусусиятлари:

- Харом нарсаларни чиройли килиб кўрсатади;
- Нафсни эхтиросли ишларга ундайди;
- Калбни чалгитади ва унинг Аллохни эшлаш йўлида тўсик бўлади;
- Калбни каро килади. Натижада, калб Аллохнинг амрларига унамайди ва гуноҳларни инкор эта олмайди;
- Шайтоний ҳолатларни кучайтиради.

Кўшиқнинг турлари

Кўшиқ икки турлидир: Мубоҳ (рухсатли) ва харом кўшиқлар.

Биринчи: Мубоҳ кўшиқлар..

Бу турдаги кўшиқлар- таркибида шариатга зид бўлган ширк, хаёсизлик, мусулмонларни хажв ёки масхара қилиш бўлмаслиги, маст қилувчи ичимликларни мактамаслик, ажнабий ва балогат ёшига етган аёллар томонидан эркаклар олдида ёки парда орқасида айтилмаслиги, бирон бир фарзни адо қилишдан чалгитмаслиги ёки чалгитишга сабаб бўлмаслиги ва қўп айтилмаслиги ҳамда чолгу асбоблари ёки мусика жўрлигида айтмаслик шарти билан овозни кўтариш ва уни оханг билан айтишдир.

Мубоҳ кўшиқларнинг турлари:

- Иш кўшиклари. Бу турдаги кўшиқлар иш асносида малолни кетказиш, химматни ошириш ва иш огирлигини енгиллатиш учун айтилади.
- Уруш пайтида айтиладиган кўшиқлар. Бу турдаги кўшиқлар жангчиларни жангга киришга жасоратлантириш учун айтилади.
- Онанинг бешикдаги боласини ухлатиш ёки кўлидаги боласини ўйнатиш учун айтиладиган кўшиқлар.
- Никох тўйи, сафардагиларнинг кайтиши ёки байрамларда аёлларнинг аёллар ичида айтган кўшиқлари. Бунинг шарти дуф (доира) дан бошка мусика асбобларининг жўр бўлмаслиги, доира кичик ва кўнгирокчалари бўлмаслиги, уни аёлларгина чалиши ва шариатда рухсат берилиган меъёрдан ошмаслигидир. Доирани эркақлар чалиши мумкин эмас.

Иккинчи: Харом бўлган кўшиқлар.

Бу турдаги кўшиқлар юкоридаги шартларга жавоб бермаган кўшиқлардир. Бирон бир чолгу асбоби воситасида айтилган, таркибида шариатга зид сўзлари бўлган, фарзларни адо этишдан чалгитган, эркақлари (номахрам) аёлдан эшитган, иш хаки олинган ёки суюкликка даъват этадиган оханглар билан куйланган ва бошка кўшиқлар. Бу кўшиқлар шаръан жоиз эмасдир. Чунки, бу кўшиқлар Аллохни эслашдан тўсади ва инсоннинг яралиш гоёси бўлмиш ибодатдан чалгитади.

Энди кўшиқ ва мусика асбобларининг харом эканига Аллохнинг китоби куръон карим ва расулуллох саллоллоху алайхи ва салламнинг суннатлари, салаф солих ва мазхаб уламоларининг сўзларидан олинган далилларни баён киламиз.

Кўшиқ айтиш ва мусиканинг харом эканига Куръон Каримдан далиллар:

- Биринчи оят: «Одамларнинг баъзилари билимсизлик билан (ўзгаларни) Аллохнинг йўлидан адаштириш ва у (йўл) ни масхара қилиш учун «лахвал-хадис» (кўшиқ) ни сотиб олади. Уларга хорловчи азоб бордир.» (Лукмон:6).

Абдуллох ибн Масъуд розияллоху анху ушбу оятдаги «лахвал-хадис» хақида сўралганида: «Ундан бошқа илох бўлмаган зотга касамки, у- кўшиқдир» - деб уч марта такрорлади. (Ибн Касир тафсири).

Абдуллох ибн Аббос, Абдуллох ибн Умар ва Жобир ибн Абдуллох розияллоху анхумлар ҳам айни сўзни айтдилар. Сахобанинг сўзи тафсир қилишда хужжатдир. Бу тафсир илмида маълумдир. Шунингдек, тобеъинларнинг бир оятнинг тафсирига қилган ижмоълари ҳам хужжатдир. Дархақиқат, саҳоба ва тобеъинлар «лахвал-хадис» нинг кўшиқ эканига ижмоъ қилдилар. Уларга ҳеч ким муҳолиф бўлмади.

- Иккинчи оят: «Улардан кучинг еган қимсани овозинг билан кўзгат, уларнинг устига отлик ва пиёда лашкарларингни торт, топган мол-давлат ва бола-чакаларида шерик бўл ва ваъда қил. Дархақиқат, Шайтон уларга ёлгон нарсаларнигина ваъда қилади.» (Исро: 64).

Муфассирларнинг имоми Мужоҳид раҳимахуллох Иблиснинг овозини: «У- кўшиқ, чолғу асбоблари, ботил ва бехуда нарсалар» - деб тафсир қилди. Даххок раҳимахуллох эса: «Чолғу асбобларининг товуши» - деб тафсир қилди. (Куртубий тафсири: 10/288).

- Учинчи оят: «Сизлар ушбу сўз (оят) лардан хайратланиб ундан таъсирланиш ўрнига сомид холларингизда қуляпсизларми!» (ан-Нажм: 59).

Абдуллох ибн Аббос розияллоху анхумо ушбу оятдаги «сомидуун» сўзини: у – кўшиқдир деб тафсир килдилар. Бу сўз яманликлар шеvasида истеъмол килинади. Улар «Усмуд лана» яъни «Бизга кўшиқ айт» дейдилар.

Мужоҳид ибн Жабр раҳимахуллох ҳам : «У кўшиқдир. Яманликлар кўшиқ айтган кимса хакида «Самада фуланун» дейдилар- деб тафсир килди. (Игосатуллахфон: 1/285).

- Тўртинчи оят: « У (мушрик) ларнинг Каъба олдидаги ибодатлари мукоъ ва тасдия эди». (Анфол:35). Мукоъ – хуштак чалиш, тасдия – қарсақ чалиш.

Кўшиқ айтиш ва мусиканинг харом эканига расулуллох саллоллоху алайхи ва салламнинг суннатларидан далиллар:

- Расулуллох саллоллоху алайхи ва саллам дедилар: «Умматим ичида зино, ипак, хамр (маст килувчи ичимлик) ва маозифни халол килиб оладиган кишилар чикади» (Имом Бухорий ривояти).

Хадисдаги «маозиф» сўзи барча чолгу ва ўйин- кулгу асбобларини ўз ичига олган пурмаъно сўздир.

Расулуллох саллоллоху алайхи ва саллам дедилар: «Роббим азза ва жалла менга хамр, кимор, дўмбира ва кўшиқ айтишни харом килди» (Имом Аҳмад ривояти: 1/274, саҳих хадис). Ваҳоланки хозирги кунда кўшиқлар дўмбирасиз айтилмай қолди.

Расулуллох саллоллоху алайхи ва саллам дедилар: «Умматимдан бир тоифаси хамр ичади ва уни бошқача ном билан номлайди. Уларнинг даврасида чолгу асбоблари ва кўшиқчи аёллар бўлади. Аллох таъоло уларни Ерга юттиради ва уларни маймун ва чўчкаларга айлантиради». (Ибн Можжа ривояти, саҳих хадис).

Расулуллох саллоллоху алайхи ва саллам дедилар: «Лаънат килинган икки товуш бор: Неъмат пайтида чолгу асбобларининг товуши ва мусибат пайтида фарёд этилган товуш.» (ас-Силсилатус-саҳийха).

Расулуллох саллоллоху алайхи ва саллам: «Умматим ичида Ер ютиш, бошка махлукка айланиш ва тухматлар бўлади» - дедилар. Сахобалар улар «ла илаха иллаллох» дейдиларми деб савол бердилар. Расулуллох саллоллоху алайхи ва саллам: «Ха, чолгу асбоблари пайдо бўлган, хамрлар (ичилган) ва (эркаклар томонидан) ипак (кийим) лар кийилган пайт» - деб жавоб бердилар. (Ибн Аби Шайба: 15/164).

Расулуллох саллоллоху алайхи ва саллам кўшикчи аёлнинг (кўшикчилик) касбидан топган маблағни (ишлатишни) такикладилар. (Багавий, Шархуссунна: 8/22).

Абдуллох ибн Умар розияллоху анхумонинг кули Нофеъ деди: «Мен ибн Умар билан бирга (бир эшак ёки туяга) минган эдим. У чолгу асбоблари чалинган ердан ўтар экан бармоқларини кулоқлари ичига тикди ва йўлдан четлашди. Бироздан кейин «хой Нофеъ бирор нарса эшитяпсанми?» - деб сўради. Мен: Йўқ деб жавоб бердим. У бармоқларини кулоқларидан чикарди ва: «Мен расулуллох саллоллоху алайхи ва саллам билан бирга мингашган эдим. Бунга ўхшаш нарсани эшитишлари билан мен килган ишни килган эдилар.» - деди. (Абу Довуд ривояти, саҳих ҳадис).

Муфассир Куртубий раҳимахуллох Абдуллох ибн Умар розияллоху анхумонинг сўзларини келтирганидан сўнг: «Меъёридан ошмаган овоз хақидаги уламоларимизнинг фикри шу бўлса, замондошларимизнинг кўшиқлари ва чолгу асбобларининг товушлари қандай бўлар экан» - деди.

Расулуллох саллоллоху алайхи ва саллам «Кўнгирок Шайтоннинг чолгу асбобидир» - дедилар. (Имом Муслим ривояти).

Расулуллох саллоллоху алайхи ва саллам: «Ит ва кўнгирок хамроҳ бўлган дўстларга фаришталар хамроҳ бўлмас» - дедилар. (Имом Муслим ривояти).

Агар кўнгирок фаришталарнинг хамроҳ бўлишига тўсик бўлса, инсондаги ҳар бир аъзо ва ҳар бир тукни кимирлатган замонавий электрон мусика асбобларининг ҳукми қайндай бўлар экан?!!

Расулуллох саллаллоху алайхи ва саллам дедилар: «Одам боласига зинодан бўлган насибаси ёзилди. У уни топиши мукаррар. Кўзларнинг зиноси караш, кулокларнинг зиноси эшитиш... (Имом Муслим ривояти).

Сахоба, тобеин ва тўрт имомдан накл килинган хабарлар.

Абу Бакр розияллоху анху икки кичик кизнинг доира чалиб кўшик айтаётганларини кўрди ва уларни таъкиклаб: «Расулуллох саллаллоху алайхи ва саллам хузурида Шайтон кўйлари чалинадими?» - деди. Расулуллох саллаллоху алайхи ва саллам унинг бу сўзларига эътироз этмадилар. (Имом Бухорий ривояти).

Усмон розияллоху анху Аллох таъолонинг ўзига берган фазли ва бу гунохни килмаганини билдириб: «Кўшик айтмадим ва айтишни орзу хам килмадим» - деди. (Ибн Аби Осим: 2/595).

Абдуллох ибн Масъуд розияллоху анху: «Кўшик калбада мунофикликни ундиради» - деди.

Анас ибн Молик розияллоху анху: «Касбларнинг энг ифлоси кўшикчи аёлнинг касбидир» - деди. (Ибн Абид-Дунё, Заммул- малаахий).

Абдуллох ибн Умар розияллоху анхумо эхром кийган ва даврасида кўшик куйлаётган бир киши бўлган гурух олдидан ўтди ва : « Аллох сизлар (нинг дуоларингиз) ни эшитмасин! Аллох сизлар (нинг дуоларингиз) ни эшитмасин! – деди. (Ибн Абид-Дунё, Заммул- малаахий).

Абдуллох ибн Аббос розияллоху анхумо деди: «Чилдирма харомдир, чолгу асбоблари харомдир, дўмбира харомдир ва торли чолгу асбоблари харомдир». (Имом Бухорий ривояти).

Умар ибн Абдулазиз рахимахуллох кўшик хакида шундай деди: «Унинг бошланиши Шайтондан бўлиб, оқибати Аллох азза ва жалланинг газабидир.» (Ожуррий Умарнинг таржимайи холларида айтган сўзларида ривоят килди).

Вакиъ ибн Жаррох раҳимахуллох: «Абдуллох ибн Умар каби танбурни олиб, эгасиниг бошига тушурсам» - деди. (Халлол ривояти: 126).

Фузайл ибн Иёз раҳимахуллох деди: «Кўшиқ зинонинг руқясидир». (Ибн Абид-Дунё, Заммул-Малаахи).

Имом Аъзам Абу Ханифа раҳимахуллох кўшиқ устидан харом деб ҳукм чиқарган имомларнинг биридир. У кўшиқ эшитишни гуноҳ деб ҳисоблар эди. (Талбису Иблис).

Имом Шофейй раҳимахуллох: «Кўшиқ ботил ёки малоҳига ўхшаш макруҳдир. Уни кўп айтган киши гувоҳлиги қабул қилинмайдиган пасткашдир» - деди.

Имом Шофеййнинг «Макруҳ» деб айтган сўзи харом демақдир. Зеро Аллох таъоло ҳам: «У (Аллох) сизларга қуфр, фиск ва осийликни макруҳ қилди» деди. Бу оятдаги «Макруҳ» сўзи ҳам «Харом» маъносидадир. Имом Шофейй «Мен Ироқда «Тагриб» кўшиқ деб номланган нарсани ташлаб келдим. Уни одамларни қуръондан тўсиш учун зиндиклар ўйлаб топганлар» - деди.

Имом Молик раҳимахуллохдан кўшиқ хақида сўралганида: «У билан биз тарафларда фосиклар шугулланадилар» деб жавоб берди.

Имом Аҳмад раҳимахуллох: «Най, камиш най, сурнай, танбур, рубоб ва шунга ўхшаш чолгу асбоблари харомдир» - деди.

Шаъбий раҳимахуллох: «Кўшиқчи ва унга кўшиқ айтилган шахс малъундир» - деди. (Ибн Абид-Дунё, Заммул-малаахий).

Шайхулислам Ибн Таймийя раҳимахуллох: «Шайтоний ҳолатларни кучайтирадиган сабабларнинг энг кучлиси кўшиқ ва беҳуда нарсаларни эшитишдир. Холбуки, бу мушрикларнинг иши». (Мажмуъул-фатава: 11/295).

Имом Куртубий раҳимахуллох: «Кўшиқ қуръон қарим ва суннат билан таъқиқланган» - деди.

Ибн Салоҳ раҳимахуллох: «Чолгу асбоблари жўрлигида айтилган кўшиқнинг харомлигига ижмоъ қилинган» - деди.

Ижмоъ бир асрда яшаган ва Ислом уммати ичидан етишиб чиккан етук олимларнинг диний ишлардан бирига иттифок келишларидир. Ижмоъ фикх манбаларининг Куръон Карим ва Расулulloх саллalloху алайхи ва салламнинг суннатларидан кейинги учинчи манбадир. У хам унда хилоф килнмайдиган катъий хужжатдир. Аллох таъоло деди: «Ким Хак йўлни аник билганидан сўнг пайгамбарга хилоф иш килса ва мўминларнинг йўлларида бошка йўлга эргашиб кетса, биз уни кетганича кўйиб берамиз. Сўнгра жаханнамга дохил киламиз. Накадар ёмон жой у.» (Нисо: 115).

Ушбу оятда Аллох таъоло Мўъминларнинг йўлларида бошка йўлга эргашган кимсаларнинг окибати жаханнам эканидан хабар берди. Аллох таъоло бизларни жаханнамаг тушишдан сакласин!

Мусулмонларнинг ижмоси хам хакикатдир. Уларнинг ижмоъларига муҳолиф бўлган одамнинг эса мазкур оятдан насибаси бор. Юкорида зикри ўтган мавзумиз хакида келтирганимиз Исломнинг биринчи уч нурафшон асрида яшаган сахоба, тобеин ва уларнинг атбоъларининг ижмоси хам шариат доирасидан четда бўлган кўшик айтишнинг харомлигидир. Уларнинг биронтаси хам кўшик айтишга рухсат бермади. Балки, чолгу асбоблари жўрлигида айтилган кўшикларни айтишни харом дедилар.

Азиз дўстим, агар ижмоънинг хужжат бўлиб унга муҳолиф бўлиш мумкин эмаслигини билган бўлсангиз, ўз-ўзидан куйидаги савол тугилади: «Мусика ва кўшик айтиш ихтилофли масалами ёки харомлигига ижмоъ килинган ва бахс эшиклари ёпилган масалами?».

Жавоб: бу масала сахобалар ва уларга эзгулик билан эргашган тобеинлар, хусусан тўрт мазхаб имомлари томонидан харом эканига ижмоъ килинган масаладир. Агар бу масала ихтилофли бўлса эди, улар бу кадар жиддий бўлмас ва ихтилофли масалаларда муҳолиф бўлган кимсалар хакида «фосик», «фожир», «малъун» ва «Шайтон» деб айтмас эдилар.

Хотима

Мусулмон дўстим, мусика ва кўшикнинг Исломи динидаги ҳукми сизга маълум бўлган ва сиз мусика ва кўшикнинг харом эканини, улар айрилиб, чалинаётган ерлардан мусулмон узок бўлиши ҳамда бу борада суғулик қилмаслик кераклигини билдингиз. Энди бу «бало» нинг ичида бўлсангиз уни тарқ этишингиз, ичида бўлмасангиз Аллохга сизни саклагани учун ҳамд айтишингиз ва Аллохдан сизни хақиқат узра собитқадам қилишини сўрашингиз керак. Сиз мусулмон биродарларингизга насиҳат қилинг, Аллохнинг бу масаладаги ҳукмларини баён этинг. Бу масала хақидаги далиллар очик-ойдиндир, сизга фақат етқизиш қолди холос. Агар тилингиз билан етқизишга қодир бўлмасангиз бу гуноҳга тушган дўстларингизга совға қилинг.

Биз эса : «Эй Аллох ва расулини севган банди,
«Хақиқатдан кейин эса фақатгина йўлдан озиш бор холос»
деб айтамин.

Аллохим етқаздимми?! Аллохим ўзинг гувоҳ бўл!

Аллох таъоло пайгамбаримизга, унинг оиласи ва барча саҳобаларга салават ва саломлар йўлласин.